



Adresa: **Ul. Hamije Čemerlića 39a**
71000 Sarajevo
<http://www.voda.ba>

tel. +387 33 726 422
fax. +387 33 726 414
e – mail: info@voda.ba

Broj: UP-I/25-1-40-270-7/21

Datum: 05.07.2021. godine

„Agencija za vodno područje rijeke Save“ Sarajevo, rješavajući po zahtjevu Investitora JP „Rad“ d.o.o. Tešanj za provođenje istražnih radova i ispitivanja i izgradnju probno-eksploatacionog bunara PEB-3, na izvoru Jelah, Općina Tešanj na zemljištu označenom kao k.č. 1295, 1296, 1297, 1299, 1324 K.O. Miljanovci Donji, Općina Tešanj, na osnovu člana 139. stav (1) tačka 10. Zakona o vodama („Službene novine Federacije BiH“, br. 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 49/99) donosi

RJEŠENJE o prethodnoj vodnoj saglasnosti

1. Daje se prethodna vodna saglasnost Investitoru JP „Rad“ d.o.o. Tešanj za provođenje istražnih radova i ispitivanja i izgradnju probno-eksploatacionog bunara PEB-3, na izvoru Jelah, Općina Tešanj na zemljištu označenom kao k.č. 1295, 1296, 1297, 1299, 1324 K.O. Miljanovci Donji, općina Tešanj.

2. Ova prethodna vodna saglasnost daje se za aktivnost provođenja istražnih radova i ispitivanja i zahvatanje vode na izvoru Jelah iz probno-eksploatacionog bunara PEB-3, pri čemu se može trajno, povremeno ili privremeno uticati na promjenu režima voda. Prethodna vodna saglasnost se može koristiti u postupku dobijanja urbanističke saglasnosti za zahvatanje vode na predmetnom izvoru, u postupku izdavanja koncesije na vodama i vodnom dobru i okolinske dozvole ukoliko predmetna aktivnost podliježe obavezi ishodovanja iste.

3. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.

4. Prethodna vodna saglasnost se daje pod slijedećim uslovima:

4.1. Da se izradi investiciono tehnička dokumentacija koja mora biti urađena na nivou projekta za pribavljanje odobrenja za građenje u skladu sa važećom zakonskom regulativom vezano za građenje.

4.2. Investiciono-tehnička dokumentacija treba da obradi sva pitanja koja su bitna za konkretan slučaj, a naročito:

- Rezultate dobivene nakon provedenih detaljnih hidrogeoloških istražnih radova i ispitivanja i izgradnje probno-eksploatacionog bunara PEB-3 u kojoj će biti prezentovane tehničke karakteristike svih vodozahvatnih objekata na vodocrpilištu Jelah, rezultate dobivene nakon provedenih opita crpljenja vode (u pojedinačnom i paralelnom radu), statičke nivoe vode, dinamičke nivoe vode, minimalne/maksimalne/optimalne količine vode koju će biti moguće zahvatiti pojedinačno iz svakog od vodozahvatnih objekata uključujući i bunar PEB-3, te kvalitet crpljenih količina vode.

- Rezultate dobivene nakon provedenih detaljnih hidrogeoloških osmatranja, mjerenja i analiziranja fiziko-hemizma voda, u toku jedne hidrološke godine, a što će dati značajne podatke za proračun hidrogeoloških parametara, te određivanje načina zahvatanja i režima korištenja voda. Odnosno, ukoliko se dobiju pozitivni rezultati u pogledu kapaciteta vode,

neophodno je uspostaviti sistematsko osmatranje i mjerenje parametara mjerodavnih za dinamiku i bilans voda (nivo, kapacitet crpljenja, kvalitet vode itd.).

- U investiciono-tehničkoj dokumentaciji treba opisati sve sadržaje i objekte na vodocrpilištu Jelah (pumpnu stanicu, tlačni cjevovod, hlornu stanicu, mjesto ugradnje vodomjera i sl.) te isto prezentovati na kartama adekvatne razmjere.

- Realizaciju projektovanih istražnih radova i ispitivanja može vršiti pravno lice koje ima odobrenje za istraživanje dobiveno u skladu sa Zakonom o geološkim istraživanjima i kantonalnim zakonom o geološkim istraživanjima (Sl.novine Federacije BiH 9/10 i 14/10).

- Svi rezultati i prikupljeni podaci terenskih istraživanja te prikupljena ostala dokumentacija, obradit će se kabinetski, savremenim metodama obrade i sadržajem po Pravilniku o sadržini projekata i elaborata geoloških istraživanja (Sl.list R BiH 16/93), a posebno će se naglasiti: ocjena rezervi i bilansa voda, optimalni kapacitet crpljenja iz vodozahvatnog/ih objekta/ata, kvalitet podzemnih voda, uslovi sanitarne zaštite izvorišta.

- Nakon detaljne obrade i reinterpetacije rezultata neophodno je uraditi Elaborat o kategorizaciji, klasifikaciji, proračunu rezervi podzemnih voda i vođenju evidencije o njima u skladu sa Zakonom o geološkim istraživanjima (Sl.novine Federacije BiH 9/10 i 14/10) i Pravilnikom o klasifikaciji, kategorizaciji, proračunu rezervi podzemnih voda i vođenju evidencije o njima (Sl.novine Federacije BiH 47/11).

4.3. Izvođač radova je u obavezi da projektovane aktivnosti vrši prema važećim tehničkim propisima, normativima, uzusima i standardima za tu vrstu radova, uz primjenu odgovarajućih mjera, a sve sa ciljem zaštite površinskih i podzemnih voda u cjelini kako u kvantitativnom tako i u kvalitativnom smislu.

4.4. Izvođač radova dužan je riješiti imovinsko pravne odnose sa vlasnikom zemljišta na lokalitetu na kojem će se formirati i kompletirati bunarski zahvati za eksploataciju kao i za pristup istom, kao i lokaliteta za smještaj građevinske mehanizacije i ostale opreme, odnosno obezbijediti saglasnost organa nadležnog za održavanje saobraćajnica, za dionice koje će se koristiti prilikom izvođenja ovih aktivnosti.

4.5. Planom organizacije gradilišta koje će se formirati u funkciji provođenja navedenih aktivnosti, treba osigurati da mjesta za smještaj građevinske mehanizacije, tečnih goriva i maziva, budu locirana izvan obuhvata zona uticaja na kvalitet podzemnih voda i na takvoj udaljenosti da ne mogu imati negativan uticaj na izvorišta.

4.6. Ukoliko se na prostoru izvorišta planiraju postaviti spremnici s gorivom, za iste je potrebno uraditi vodonepropusne posude istog ili većeg kapaciteta ili postaviti spremnike s dvostrukom stjenkom prema posebnim propisima.

4.7. Na prostoru izvorišta nije dozvoljeno servisiranje mehanizacije i vozila.

4.8. Na izvorištu je potrebno osigurati priručna sredstva za brzu intervenciju u slučaju izlivanja motornog ulja ili ulja iz hidrauličke strojeva (materijali za upijanje i sl.).

4.9. U slučaju opasnosti od zagađenja vode nastalim djelovanjem ili propustom izvođača radova potrebno je preduzeti sve neophodne mjere za sprječavanje ili ublažavanje uticaja prouzrokovanih incidentom, te spriječiti ponovni nastanak incidenta, a zatim, bez odlaganja, o tome obavijestiti nadležne organe.

4.10. Investitor je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu i poštivanja uslova iz ovog rješenja.

4.11. Nakon realizacije projektovanih aktivnosti na terenu investor je u obavezi da izvrši rekultivaciju zemljišta, tj dovede prostor u prvobitno stanje.

5. Nakon ishodonja urbanističke saglasnosti za vodozahvatni objekat (bunar), korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti, ukoliko će se moći zahvatiti količina vode iznad 10 l/s, a ako će se zahvatati količina manja od 10 l/s, za izdavanje vodnih akata nadležan je Kanton. Uz zahtjev dostaviti sljedeću dokumentaciju:

- a) Investiciono-tehničku dokumentaciju
- b) Rješenje o urbanističkoj saglasnosti
- c) Dokaz o izvršenoj uplati administrativne takse u iznosu od 60 KM.

6. Investitor je dužan da prilikom realizacije projektovanih aktivnosti na terenu predvidi odgovarajuće mjere da predmetnom aktivnošću, za koju se utvrđuju uvjeti, ne bi došlo do šteta za okoliš ili nepovoljnih posljedica za vodoprivredne interese, a u protivnom je dužan iste nadoknaditi.

7. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor JP „Rad“ d.o.o. Tešanj podnio je zahtjev za izdavanje Rješenja o prethodnoj vodnoj saglasnosti za provođenje istražnih radova i ispitivanja i izgradnju probno-eksploatacionog bunara PEB-3, na izvoru Jelah, Općina Tešanj na zemljištu označenom kao k.č. 1295, 1296, 1297, 1299, 1324 K.O. Miljanovci Donji, općina Tešanj.

Uz zahtjev je dostavljena sljedeća dokumentacija:

A. Opća dokumentacija

- Aktuelni izvod iz sudskog registra, broj:063-0-RegZ-20-002135 od 16.09.2020. godine izdat od strane Općinskog suda u Zenici – ovjerena kopija,
- Uvjerjenje o poreznoj registraciji od 08.01.2010. godine izdato od strane Porezne uprave—Kantonalni ured Zenica - ovjerena kopija,
- Uvjerjenje o registraciji/upisu u Jedinstveni registar obveznika indirektnih poreza, broj:04/1-UPJR/1-6544-2/09 od 13.01.2010. godine izdato od strane Uprave za indirektno oporezivanje Banja Luka - ovjerena kopija,
- Kopija katastarskog plana Ur.broj:06-26-11-1888/2021-2 od 30.04.2021. godine izdata od strane Službe za katastar, urbanizam i imovinsko-pravne poslove općine Tešanj - ovjerena kopija,
- Izvod iz posjedovnog lista broj 1005, broj:06-26-11-1888/21-3 od 30.04.2021. godine izdat od strane Službe za katastar, urbanizam i imovinsko-pravne poslove općine Tešanj - ovjerena kopija,
- Rješenje o vodnoj dozvoli, broj:UP-I/25-3-40-463-4/16 od 05.12.2016. godine izdato od strane Agencije za vodu područje rijeke Save, Sarajevo – kopija,
- Posjedovni list broj 1251, broj:06-26-11-1888/21-4 od 30.04.2021. godine izdat od strane Službe za kastar, urbanizam i imovinsko-pravne poslove općine Tešanj - ovjerena kopija,
- Izvod iz posjedovnog lista broj 1103, broj:06-26-11-1888/21-5 od 30.04.2021. godine izdat od strane Službe za kastar, urbanizam i imovinsko-pravne poslove općine Tešanj - ovjerena kopija,
- Kopija katastarskog plana Ur.broj:06-26-11-2622/2021-2 od 24.06.2021. godine izdata od strane Službe za kastar, urbanizam i imovinsko-pravne poslove općine Tešanj - ovjerena kopija,
- Izvod iz posjedovnog lista broj 1235, broj:06-26-11-2622/21-5 od 24.06.2021. godine izdat od strane Službe za kastar, urbanizam i imovinsko-pravne poslove općine Tešanj - ovjerena kopija,
- Posjedovni list broj 979, broj:06-26-11-2622/21-3 od 24.06.2021. godine izdat od strane Službe za kastar, urbanizam i imovinsko-pravne poslove općine Tešanj - ovjerena kopija,
- Zemljišnoknjižni izvadak, Katastarska općina:SP_Miljanovci, broj:039-0-NAR-21-002 096 zemljišnoknjižni uložak broj:481 izdat od strane Općinskog suda u Tešnju - ovjerena kopija,
- Zemljišnoknjižni izvadak, Katastarska općina:SP_Miljanovci, broj:039-0-NAR-21-002 094 zemljišnoknjižni uložak broj:624, izdat od strane Općinskog suda u Tešnju - ovjerena kopija,
- Zemljišnoknjižni izvadak, Katastarska općina:SP_Miljanovci, broj:039-0-NAR-21-002 093 zemljišnoknjižni uložak broj:768, izdat od strane Općinskog suda u Tešnju - ovjerena kopija,
- Zemljišnoknjižni izvadak, Katastarska općina:SP_Miljanovci, broj:039-0-NAR-21-002 097, zemljišnoknjižni uložak broj:809, izdat od strane Općinskog suda u Tešnju - ovjerena kopija,
- Zemljišnoknjižni izvadak, Katastarska općina:SP_Miljanovci, broj:039-0-NAR-21-002 095, zemljišnoknjižni uložak broj:195, izdat od strane Općinskog suda u Tešnju - ovjerena kopija,

- Mišljenje i izvod iz Prostornog plana, broj:06-19-1-1420/21 od 25.06.2021. godine izdato od strane Službe za zaštitu, urbanizam i imovinsko-pravne poslove općine Tešanj - ovjerena kopija,

- Dokaz o uplaćenju upravnoj pristojbi na zahtjev.

B. Tehnička dokumentacija

- Idejni projekat probno-eksploatacionog bunara PEB-3, Jelah, općina Tešanj urađen od strane Inpros d.o.o. Mostar, januar 2021. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Zahtjev je u skladu sa odredbama člana 124. stav (1) Zakona o vodama i člana 21. Pravilnika o sadržaju, obliku, uslovima i načinu izdavanja i čuvanja vodnih akata, bio oglašen dana 22.06.2021. godine na oglasnoj ploči Agencije i u dnevnom listu „Oslobođenje“. U postupku oglašavanja nije bilo pisanih izjašnjenja, niti izjašnjenja datih usmeno na zapisnik kod nadležnog organa.

U provedenom postupku konstatovali smo sljedeće:

U cilju obezbjeđenja nedostajućih količina vode za lokalno stanovništvo pokrenute su aktivnosti na provođenju istražnih radova i ispitivanja i izgradnji probno-eksploatacionog bunara PEB-3, na izvorištu Jelah, Općina Tešanj na zemljištu označenom kao k.č. 1295, 1296, 1297, 1299, 1324 K.O. Miljanovci Donji, općina Tešanj.

Da bi se definisale tehničko-ekonomske karakteristike predmetnih bunara neophodno je sinhronizovano izvesti istražne radove čiji će se rezultati međusobno dopunjavati a usmjereni su na potvrđivanje prethodnih rezultata i proširenje sa novim saznanjima kvalitativno-kuantitativnih karakteristika vode iz probno-eksploatacionog bunara PEB-3.

Nakon realizacije istražnih radova i aktivnosti na terenu neophodno je u toku jedne hidrološke godine provesti hidrogeološka osmatranja, mjerenja i analiziranja fiziko-hemizma voda, a što će dati značajne podatke za proračun hidrogeoloških parametara, te određivanje načina zahvatanja i režima korištenja voda. Odnosno, ukoliko se dobiju pozitivni rezultati u pogledu kvaliteta i kapaciteta vode, neophodno je uspostaviti sistematsko osmatranje i mjerenje parametara mjerodavnih za dinamiku i bilans voda (nivo, kapacitet crpljenja, kvalitet vode itd.).

Svi rezultati i prikupljeni podaci terenskih istraživanja te prikupljena ostala dokumentacija, obradit će se kabinetski, savremenim metodama obrade i sadržajem po Pravilniku o sadržini projekata i elaborata geoloških istraživanja (Sl.list R BiH 16/93), a posebno će se naglasiti: ocjena rezervi i bilansa voda, optimalni kapacitet crpljenja iz vodozahvatnih objekata, kvaliteti podzemnih voda, uslovi sanitarne zaštite izvorišta.

Nakon detaljne obrade i reinterpetacije rezultata uraditi će se Elaborat o kategorizaciji, klasifikaciji, proračunu rezervi podzemnih voda i vođenju evidencije o njima u skladu sa Zakonom o geološkim istraživanjima (Sl.novine Federacije BiH 9/10 i 14/10) i Pravilnikom o klasifikaciji, kategorizaciji, proračunu rezervi podzemnih voda i vođenju evidencije o njima (sl.novine FBiH 47/11).

Nakon uvida u dostavljenu dokumentaciju konstatovano je da je razmatrani kolektor podzemnih voda značajan, kako sa hidrogeološkog i prostornog stanovišta tako i sa stanovišta mogućnosti zahvatanja i korištenja vode. Kolektor i njegovi potencijali mogu biti jednoznačno definirani samo kompleksnim detaljnim hidrogeološkim istraživanjima i uz primjenu različitih metoda istraživanja i ispitivanja, a u cilju zahvatanja iste.

Programirane radove treba da radi istraživačka organizacija koja ima pribavljeno odobrenje od nadležnog Federalnog ministarstva energije, rudarstva i industrije. Nadzor nad izvođenjem radova može vršiti lice koje zadovoljava uslove propisane Zakonom o geološkim istraživanjima. Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, tačkom 4. dispozitiva rješenja, shodno odredbama člana 111. Zakona o vodama, članom 17. stav (1) tačka 16. Pravilnika o

sadržaju, obliku, uslovima i načinu izdavanja i čuvanja vodnih akata propisani uslovi koje je Investitor dužan ispuniti prilikom izvođenja istražno-eksploatacionih radova.

Podnosilac zahtjeva je uplatio upravnu taksu u iznosu od 80,0 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- JP Rad Tešanj

Trg Alije Izetbegovića 1, 74260 Tešanj,

⊖ AVP Sava, ISV-vodna knjiga,

- Sektor 40 – arhiva,

- Oglasna ploča - AVP Sava